

**ხელშეკრულების დამდები მხარეები**

ერთის მხრივ **სსიპ „შემოსავლების სამსახური“** სამსახურის ფინანსური დეპარტამენტის უფროსის მიხეილ ახვლედიანის სახით (შემდგომში „შემსყიდველი“) იურიდიული მისამართი ქ. თბილისი, გორგასლის ქ. №16, ს/კ # 204525585 სახელმწიფო ხაზინა, კოდი N#TRESGE22, ანგარიში/სახაზინო კოდი GE24NB0330100200165022

**(ორგანიზაციის დასახელება და იურიდიული მისამართი)**

და მეორეს მხრივ **შპს „კომუნიკომი“** (შემდგომში მიმწოდებელი), მისი დირექტორის გიორგი შვანგირაძის სახით, იურიდიული მისამართი: ქ. თბილისი, ჯუმბერ ბეთაშვილის 20ა, ს/კ 404484982, სს „საქართველოს ბანკი“ კოდი **BAGAGE22, ა/ა GE16BG000000711434800**

**(ორგანიზაციის დასახელება, იურიდიული მისამართი და საბანკო რეკვიზიტები)**

შემსყიდველმა სახელმწიფო ბიუჯეტით დამტკიცებული ასიგნებების ფარგლებში გამოაცხადა ხელის რადიოსადგურების კომპლექტების (CPV 32344230 - რადიოსადგურები) **შესყიდვაზე აუქციონის გარეშე ელექტრონული ტენდერი (NAT220009561)** და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი **80 262.00 (ოთხმოცი ათას ორას სამოცდათხუთმეტი ლარი და 00 თეთრი)** ლარად.

**1. ხელშეკრულების დირეზულება**

- 1.1 საქონლის დასახელება, ტექნიკური მახასიათებლები, აგრეთვე რაოდენობა, ერთეულის ფასი და საერთო ფასი მოყვანილია დანართი N1-ში, რომელიც თან ერთვის აღნიშნულ ხელშეკრულებას და ითვლება მის განუყოფელ ნაწილად.
- 1.2 ხელშეკრულების საერთო ღირებულება შეადგენს **80 262.00 (ოთხმოცი ათას ორას სამოცდათხუთმეტი ლარი და 00 თეთრი)** ლარს.
- 1.3 საქონლის ერთეულის ფასი და ხელშეკრულების ფასი შეიცავს მიმწოდებლის ყველა ხარჯებსა და საქართველოს კანონმდებლობით დადგენილ ყველა გადასახადს, დაკავშირებულს საქონლის მიწოდებასთან.

**2. ხელშეკრულების შესრულების კონტროლი**

- 2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.
- 2.2. ხელშეკრულების მიმდინარეობის კონტროლის მიზანს წარმოადგენს:
  - 2.2.1. საქონლის მიწოდების ვადების ხელშეკრულების მოთხოვნებთან შესაბამისობის დადგენა;
  - 2.2.2. შესაბამისი შემოწმების აქტის საფუძველზე მიწოდებული საქონლის ან/და მისი ნაწილის ხარისხის ხელშეკრულების მოთხოვნებთან - ხელშეკრულების დანართი N1-ში მოცემულ მახასიათებლებთან შესაბამისობის დადგენა ინსპექტირების აქტის გაფორმება.
  - 2.2.3. სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება.
- 2.3. ხელშეკრულების შესრულების კონტროლს ახორციელებენ სსიპ „შემოსავლების სამსახურის“-ს უფროსის ბრძანებით განსაზღვრული პირთა ჯგუფის უფლებამოსილი წევრი ან წევრები.

**3. შესყიდვის ობიექტის მახასიათებლები**

შესყიდვის ობიექტის ტექნიკური მახასიათებლები მოცემულია ხელშეკრულების დანართში N1-ში.

- მოწოდებული საქონელი თავსებადი უნდა იყოს შემოსავლების სამსახურის საბაჟო დეპარტამენტში არსებულ ხელის რადიოსადგურებთან და რეტრანსლატორებთან, უნდა ხორციელდებოდეს სრულყოფილი ხმოვანი კავშირი;
- მომწოდებელმა უნდა უზრუნველყოს რაციების დაპროგრამება შემსყიდველის მითითების შესაბამისად (სიხშირების, ტონების, გაწერა ჯგუფების შექმნა დ.ა.შ);

**4. საქონლის მიწოდების პირობები**

- 4.1. საქონლის მიწოდება ყველა ხარჯის გათვალისწინებით მიმწოდებელმა უნდა განახორციელოს ხელშეკრულების გაფორმებიდან 120 (ას ოცი) კალენდარული დღის განმავლობაში.
- 4.2. მიწოდების ადგილია ქ.თბილისი აბზიანის ქუჩა N4.
- 4.3. მიწოდებული საქონელი უნდა იყოს ნივთობრივად და უფლებრივად უნაკლო.

**5. შესყიდვის ობიექტის მიღება-ჩაბარების წესი**

- 5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული საქონლის შესაბამისად.
- 5.2. იმ შემთხვევაში თუ, მიწოდებული საქონელი შეესაბამება ხელშეკრულების დანართი N1-ით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს მიწოდებული საქონლის მიღებას, ხოლო თუ, საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულების გათვალისწინებულ მოთხოვნებს შემსყიდველს უფლება აქვს არ მიიღოს ნაკლოვანი საქონელი და დაუბრუნოს იგი მიმწოდებელს მიმწოდებლის ხარჯით.
- 5.3. იმ შემთხვევაში თუ ხელშეკრულების 5.2. პუნქტის საფუძველზე არ განხორციელდა საქონლის მიღება, მიმწოდებელს დაეკისრება პირგასამტეხლო ხელშეკრულების 13.1. პუნქტით გათვალისწინებული პირობების შესაბამისად. ამავდროულად, მიმწოდებელი ვალდებულია 20 (ოცი) დღის ვადაში უზრუნველყოს ნაკლოვანი საქონლის შეცვლა სათანადო ხარისხის საქონლით.
- 5.4. მიმწოდებელმა შემსყიდველს უნდა წარუდგინოს საქონლის მიწოდებისას მიღება-ჩაბარების აქტი და საქართველოს კანონმდებლობით დადგენილი შესაბამისი დოკუმენტები, მათ შორის საგადასახადო ანგარიშფაქტურა (იმ შემთხვევაში თუ

მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა სსიპ „შემოსავლების სამსახურიდან“).

5.4 შემოსავლების სამსახურის ფინანსური დეპარტამენტის უფროსის მოადგილე ამოწმებს სახელმწიფო შესყიდვის შესახებ ხელშეკრულებათა შესრულების კონტროლის განხორციელების მიზნით მუდმივმოქმედი ინსპექტირების ჯგუფის უფლებამოსილი წევრის/წევრების მიერ ინსპექტირების განხორციელების ფაქტს და შესაბამის ინსპექტირების აქტზე მისი/მათი ხელმოწერის არსებობას. შესაბამისი ფორმით შედგენილი ინსპექტირების აქტზე ხელმოწერების არსებობის შემთხვევაში ფინანსური დეპარტამენტის უფროსის მოადგილე ხელს აწერს მიღება-ჩაბარების აქტს.

## 6. ანგარიშსწორება

6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით მიმწოდებლის მიერ ფაქტობრივად მიწოდებული საქონლის ღირებულების შესაბამისად.

6.2. ანგარიშსწორება განხორციელდება მიმწოდებლის საბანკო რეკვიზიტებზე.

6.3. ანგარიშსწორება მიმწოდებელთან განხორციელდება ხელშეკრულების მე-5 მუხლით გათვალისწინებული საბუთების საფუძველზე, წარმოდგენიდან არაუგვიანეს 10 (ათი) სამუშაო დღის განმავლობაში.

## 7. მხარეთა ვალდებულებები

### 7.1. „მიმწოდებელი“ ვალდებულია:

7.1.1. მიაწოდოს „შემსყიდველს“ უფლებრივად და ნივთობრივად უნაკლო საქონელი;

7.1.2. „შემსყიდველს“ საკუთარი სახსრებით მიაწოდოს საქონელი ხელშეკრულების მე-4 პუნქტით გათვალისწინებული პირობების შესაბამისად და უზრუნველყოს თანმხლები დოკუმენტაციის წარდგენა;

7.1.3. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.4. 7.1.4. უზრუნველყოს ნაკლოვანი საქონლის შეცვლა 20 (ოცი) დღის ვადაში;

7.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

### 7.2. „შემსყიდველი“ ვალდებულია:

7.2.1. უზრუნველყოს „მიმწოდებლის“ დროული და სრული დაფინანსება;

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

7.2.3. აწარმოოს მიწოდებული პროდუქციის ხარისხისა და რაოდენობის კონტროლი;

7.2.4. დაიცვას ხელშეკრულებით გათვალისწინებული ყველა პირობა.

## 8. გარანტია

8.1. საქონლის ტექნიკური მახასიათებლები და ხარისხი უნდა შეესაბამებოდეს ამ ხელშეკრულების ფასების ცხრილში (დანართი N1) აღნიშნულ მაჩვენებლებს.

8.1.1. მიმწოდებელი იძლევა გარანტიას, რომ მის მიერ მიწოდებული საქონელი იქნება ახალი, არ იქნება დაზიანებული (არ გამოავლენს ხარვეზებს), შესაბამისობაში იქნება N1 დანართში მოყვანილ მაჩვენებლებთან და იქნება მოხმარებისთვის ვარგისი, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს საგარანტიო პერიოდში აღმოჩენილი ნებისმიერი ხარვეზის (დეფექტის), აღმოფხვრა და/ან წუნდებული საქონლის შეცვლა ახლით. შემსყიდველის მოთხოვნიდან 3(სამი) სამუშაო დღეში. (დანართი N1 თან ერთვის აღნიშნულ ხელშეკრულებას და ითვლება მის განუყოფელ ნაწილად).

8.2. „შემსყიდველს“ უფლება აქვს:

8.2.1. აწარმოოს მიწოდებული პროდუქციის ხარისხისა და რაოდენობის კონტროლი;

8.2.2. განაცხადოს უარი უხარისხო საქონლის მიღებაზე.

8.2.3. დანართი N1-ით განსაზღვრული საგარანტიო პირობა: მოწოდებულ რადიო-სადგურებზე სწორი ექსპლუატაციის პირობებში უნდა ვრცელდებოდეს საგარანტიო პირობები არანაკლებ 2 წლის ვადით, მიღება-ჩაბარების აქტის შედგენის დღიდან. საგარანტიო პერიოდში აღმოჩენილი დეფექტების აღმოფხვრა უნდა განხორციელდეს შეტყობინების მიღებიდან - საქონლის შეკეთების შემთხვევაში 5 კალენდარული დღის განმავლობაში, ხოლო შეცვლის შემთხვევაში 20 კალენდარული დღის განმავლობაში

## 9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუღვერობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

9.4. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

## 10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს

შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

## **11. სადაო საკითხების გადაწყვეტა**

11.1. შემსყიდველმა და მიმწოდებელმა ყველა დონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

## **12. ხელშეკრულების შესრულების შეფერხება**

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

## **13. ხელშეკრულების პირობების შეუსრულებლობა**

13.1. შემსყიდველი უფლებამოსილია ამ ხელშეკრულების 4.1 პუნქტით გათვალისწინებული საქონლის მიწოდების ვადების გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,05 %-ის ოდენობით;

13.2. შემსყიდველი უფლებამოსილია ამ ხელშეკრულების მე-8 მუხლით გათვალისწინებული ვადების გადაცილების შემთხვევაში ყოველ კონკრეტულ ფაქტზე დააკისროს მიმწოდებელს პირგასამტეხლო ყოველ ვადაგადაცილებულ დღეზე ჯამური ღირებულების 0,15%-ის ოდენობით;

13.3. მიმწოდებელი უფლებამოსილია ამ ხელშეკრულების 6.3 პუნქტით გათვალისწინებული ვადის გადაცილების შემთხვევაში დააკისროს შემსყიდველს პირგასამტეხლო ყოველ ვადაგადაცილებულ დღეზე მოცემულ მომენტში გადასარიცხი თანხის 0,05%-ის ოდენობით;

13.4. იმ შემთხვევაში თუ ხელშეკრულების 13.1. პუნქტით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 0.2%-ს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ანთავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

13.5 იმ შემთხვევაში, თუ მიმწოდებლის მიერ საქონლის მიწოდების პროცესში გამოვლინდა, რომ მიწოდებული საქონელი არ შეესაბამება ამ ხელშეკრულების N1 დანართში აღნიშნულ მაჩვენებლებს ან/და შერჩევა შეფასების ეტაპზე წარმოდგენილ ნიმუშს, ან/და დარღვეულია ამ ხელშეკრულების 7.1.4 პუნქტით გათვალისწინებული ვადა, აღნიშნული ჩაითვლება არაჯეროვან შესრულებად და შემსყიდველი უფლებამოსილია მიმწოდებელი დააჯარიმოს ერთჯერადად მთლიანი ხელშეკრულების ღირებულების 10%-ის ოდენობით და შემსყიდველი იტოვებს უფლებას ცალმხრივად შეწყვიტოს ხელშეკრულება.

## **14. ხელშეკრულების შეწყვეტა**

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. ერთი მხარის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. საქართველოს მოქმედი კანონმდებლობით გათვალისწინებულ სხვა შემთხვევებში.

## **15. ხელშეკრულების მოქმედების ვადა**

15.1. წინამდებარე ხელშეკრულება ძალაში შედის მხარეთა მიერ ხელმოწერის თარიღიდან და მოქმედებს 2022 წლის 30 ნოემბრის ჩათვლით.

„შემსყიდველი“  
სსიპ „შემოსავლების სამსახური“

„მიმწოდებელი“  
შპს „კომუნიკომი“

მიხეილ ახვლედიანი  
ფინანსური დეპარტამენტის უფროსი

გიორგი შვანგირაძე  
დირექტორი

დანართი N1

| N                  | შესყიდვის ობიექტის დასახელება                                  | შესყიდვის ობიექტის ტექნიკური მახასიათებლები                                                                                                                                                                                                                                                                                                                                                                                                                                                                                                                                 | წარმოშობის ქვეყანა/მწარმოებელი კომპანია/ მოდელი აღნიშნული ინფორმაციის წარმოდგენილობა გამოიწვევს პრეტენდენტის დისკვალიფიკაციას | განზომილება | რაოდენობა | ერთეულის ღირებულება (ლარი) | ჯამური ღირებულება (ლარი) | საგარანტიო პირობა                                                                                                                                                                                                                                                                                                                  | მიწოდების ვადები/ადგილი                                                            |
|--------------------|----------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------|-------------|-----------|----------------------------|--------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------|
| 1                  | პროფესიონალური ციფრული DMR სტანდარტის ხელის რ/ს - ის კომპლექტი | <p>*სიხშირული დიაპაზონი: 136-174მჰც</p> <p>*გადამცემის სიმძლავრე: 5 ვატი</p> <p>* არხების რაოდენობა: 32</p> <p>* ინდივიდუალური და ჯგუფური გამოძახება</p> <p>* სამხედრო სტანდარტები MIL STD 810 C/D/E/F/G</p> <p>* გარემოს ზემოქმედებისგან დაცვის სტანდარტი: IP54</p> <p>* სამუშაო ტემპერატურული საზღვრები –30C/+60C</p> <p>* აკუმულატორის მუშაობის ხანგრძლივობა: 23 საათი</p> <p>კომპლექტაციაში მოყვება:</p> <p>*1 ცალი აკუმულატორი, 2900 მლამპსთ (Li-Ion)</p> <p>*1 ცალი დასამუხტი მოწყობილობა</p> <p>*1 ცალი ანტენა: 146-174მჰც</p> <p>*1 ცალი ქამარზე სამაგრი კლიფსი</p> | DP1400 VHF MOTOROLA SOLUTIONS Inc., მაღარზია                                                                                  | კომპლექტი   | 130       | 617.40                     | 80,262.00                | მოწოდებულ რაოდენობაში უნდა იქნას მოწოდებული პირობები 2 წლის ვადით, მიღება ჩატარების აქტის შედგენის დღიდან. საგარანტიო პერიოდში აღმოჩენილი დეფექტების აღმოფხვრა გარანტიის მოვალეობაა. შეტყობინების მიღებიდან - საქონლის შეკეთების მუხზე 5 კალენდარული დღის განმავლობაში, ხოლო შეცვლის შემთხვევაში 20 კალენდარული დღის განმავლობაში. | ხელშეკრულების გაფორმებიდან 120 (ას ოცი) კალენდარული დღე, ქობულთის აბრაიმის ქუჩა N4 |
| ჯამური ღირებულება: |                                                                |                                                                                                                                                                                                                                                                                                                                                                                                                                                                                                                                                                             |                                                                                                                               |             |           |                            | 80,262.00                |                                                                                                                                                                                                                                                                                                                                    |                                                                                    |

\*პრეტენდენტმა ფასთა ცხრილში (დანართი N1) უნდა მიუთითოს ინფორმაცია მისაწოდებელი საქონლის - მწარმოებელი კომპანიის, წარმოშობის ქვეყნის და მოდელის შესახებ.

\*აღნიშნული ინფორმაციის წარმოდგენილობა გამოიწვევს პრეტენდენტის დისკვალიფიკაციას სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების „ელექტრონული ტენდერის ჩატარების წესის დამტკიცების შესახებ“ 27-ე მუხლის მე-3 პუნქტის შესაბამისად.

